

Ár 2013, fimmtudaginn 7. mars kl. 8:00 kom bæjarráð saman til fundar á skrifstofu bæjarins.

Mætt voru: Ninna Sif Svavarsdóttir, Guðmundur Þór Guðjónsson og Jóhanna Ýr Jóhannsdóttir.

Ennfremur sátu fundinn Aldís Hafsteinsdóttir, bæjarstjóri og Helga Kristjánsdóttir, skrifstofustjóri, sem ritaði fundargerð í tölvu.

Ninna Sif Svavarsdóttir formaður setti fund og stjórnaði.

Leitaði hún eftir athugasemdum við fundarboð en engar komu fram.

Eftirfarandi fært til bókar:

1. Bréf sem borist hafa frá:

1.1. Innanríkisráðuneytinu frá 19. febrúar 2013.

Í bréfinu eru kynntar höfuðáherslur í Samgönguáætlun 2011-2022.

Lagt fram til kynningar.

1.2. Mennta- og menningarmálaráðuneytinu frá 18. febrúar 2013.

Í bréfinu er rætt um kostnað við talþjálfun barna og ungmenna.

Lagt fram til kynningar.

1.3. Lánaþjófur sveitarfélaga frá 18. febrúar 2013.

Í bréfinu er boðað til aðalfundar Lánaþjófs sveitarfélaga ohf sem haldin verður 15. mars n.k. á Grand hóteli.

Aldís Hafsteinsdóttir verður fulltrúi Hveragerðisbæjar á aðalfundinum.

1.4. Velferðarvaktinni frá 20. febrúar 2013.

Í bréfinu eru sveitarfélög hvött til að setja sér fjölskyldustefnu og áætlun um framkvæmd hennar.

Lagt fram til kynningar.

1.5. Securitas hf frá 26. febrúar 2013.

Í bréfinu er rætt um farandgæslu Securitas hf í Hveragerði og uppsögn bæjarins á henni.

Bæjarráð þakkar greinargott erindi og ekki síður afbragðsgóða þjónustu á undanförunum árum á sviði farandgæslu í bæjarfélaginu.

Bæjarráð telur sjálfsagt að ræða við bréfitara um öryggismál í Hveragerði en ítrekar þó að ekki er gert ráð fyrir fjármunum til

farandgæslu í fjárhagsáætlun ársins 2013 og því verður ákvörðun vegna þessa ekki breytt nema við gerð fjárhagsáætlunar fyrir árið 2014.

1.6. **Hestamannafélaginu Ljúp ódagsett.**

Í bréfinu er óskað eftir að fá greitt framlag til félagsins frá árinu 2010 að upphæð kr. 400.000.- sem ekki var greitt það árið.

Bæjarráð samþykkir að félaginu verði greitt framlag ársins 2010.

1.7. **Sveitarfélaginu Árborg frá 28. febrúar 2013.**

Í bréfinu er kynnt samþykkt Sveitarfélagsins Árborgar um úrsögn úr byggðasamlagi um Skólaskrifstofu Suðurlands. Jafnframt býður Sveitarfélagið Árborg öðrum sveitarfélögum á svæðinu sem áhuga hafa kaup á skólaþjónustu.

Lagt fram til kynningar.

1.8. **Sambandi íslenskra sveitarfélaga frá 4. mars 2013.**

Í bréfinu er umsögn Sambands íslenskra sveitarfélaga á frumvarpi til laga um sveitarstjórnarkosningar (persónukjör).

Bæjarráð tekur undir þau meginsjónarmið sem fram koma í umsögn Sambands íslenskra sveitarfélaga. Þær breytingar sem frumvarpið hefur í för með sér eru á margan hátt til bóta og ættu að verða til að auka áhuga íbúa á kosningum enda eru áhrif kjósenda með þessu orðin meiri en áður hefur þekkt. Mikilvægt er að halda til haga að kostnaði sem af kynningu á nýju fyrirkomulagi hlýst beri ríkisstjórn enda er breytingin ekki gerð að beiðni sveitarfélaganna. Eins hefði bæjarráði þótt eðlilegast að tilraun um breytt kosningafyrirkomulag hefði verið gerð í komandi kosningum til Alþingis þar sem áhugi þingmanna á persónukjöri er jafn mikill og raun ber vitni.

2. **Fjárhagsleg málefni:**

2.1. **Tillaga að viðauka við fjárhagsáætlun.**

Lögð fram tillaga að viðauka við fjárhagsáætlun vegna kaupa á lóðunum Heiðmörk 43, Heiðmörk 52 og Þórsmörk 6 á kr. 19. mkr og töku láns hjá Lánasjóði sveitarfélaga að upphæð kr. 20. mkr.

Breytingar á áætluðum rekstrar og efnahagsreikningi samstæðu er eftirfarandi.

Rekstrarreikningur:

Hækkun afskrifta kr 239 þús

Hækkun fjármagnsliða kr. 905 þús

Alls hækkun á rekstrarliðum kr 1.143 þús.

Efnahagsreikningur:

Hækkun á fastafjármunum kr 18.862 þús.

Lækkun á handbæru fé kr. 587 þús.

Lækkun á eigið fé kr 1.143 þús.

Hækkun á langtíma skuldum kr 17.261 þús.

Hækkun á næsta árs afborgunum kr 2.156 þús.

Meirihluti bæjarráðs samþykkir viðaukann Jóhanna Ýr Jóhannsdóttir á móti og vísar til bókonar minnihlutans á síðasta bæjarstjórnarfundi.

2.2. **Minnisblað frá skrifstofustjóra frá 5. mars 2013 vegna niðurfellingar viðskiptakrafna.**

Fært í trúnaðarmálabók.

3. **Tæknileg málefni:**

3.1. **Minnisblað frá skipulags- og byggingarfulltrúa frá 5. mars 2013 vegna útboðs á klæðningu á mynd- og handmenntahúsi.**

Í minnisblaðinu ræðir skipulags- og byggingarfulltrúi um fyrirhugaðar endurbætur á mynd- og handmenntarhúsi Grunnskólans.

Bæjarráð samþykkir að fela skipulags- og byggingarfulltrúa að auglýsa útboð á klæðningu á útveggjum án þeirra flata sem mögulega koma til með að verða innveggir síðar. Anddyri verði í þessum áfanga fært að ganginum í samræmi við hugmyndir skólastjórnenda.

4. **Framtíðarsýn og möguleikar, umræður.**

Rætt um framtíðarsýn og möguleika í Hveragerði. Samþykkt að halda umræðum áfram á næsta fundi bæjarráðs.

5. **Fundargerðir til kynningar:**

5.1. **Heilbrigðisnefnd Suðurlands frá 22. febrúar 2013.**

5.2. **Skólaskrifstofu Suðurlands frá 27. febrúar 2013.**

5.3. **Framkvæmdastjórn Héraðsnefndar Árnesinga frá 27. febrúar 2013.**

5.4. **Brunavörnum Árnessýslu frá 20. febrúar 2013.**

Fundargerð upp lesin og samþykkt.
Fleira ekki gert og fundi slitið kl 9:10

Ninna Sif Svavarsdóttir, (sign)

Jóhanna Ýr Jóhannsdóttir, (sign.)

Guðmundur Þór Guðjónsson, (sign)

Aldís Hafsteinsdóttir, (sign)

Helga Kristjánsdóttir, (sign)